



## ՍՈՒՐԲ ԳՐԱԿԱՆ ԸՆԹԵՐՑՈՒՄՆԵՐ

ՀԻՍՈՒՍԻ ԽԱՉԵԼՈՒԹՅՈՒՆԸ

ՈՐԴԻ ԵՎ ՄԱՅՐ

Եվ նրանք առան նրան և տարան: Եվ խաչափառող նա ինքն էր վերցրել և բարձրանում էր այն տեղը, որի անունն էր Գագաթի, իսկ երրայեցերեն կոչվում էր Գողգոթա, որտեղ և խաչը հանեցին նրան ու նրա հետ երկու ուրիշների՝ այս և այն կողմից, իսկ մեջտեղում՝ Հիսուսին: Պիղատոսը մի տախտակ էլ գրեց և դրեց խաչի վրա. և գրված էր. «Հիսուս Նագովրեցի՝ հրեից թագավոր»: Այդ տախտակը հրեաներից շատերը կարդացին, որովհետև այն տեղը, ուր Հիսուսը խաչվեց, քաղաքին մոտ էր (և գրված էր երրայեցերեն, դաղմատերեն (լատիներեն) և հունարեն): Հրեաների քահանայապետները Պիղատոսին ասացին. «Մի՛ գրիր՝ հրեից թագավոր, այլ՝ թե նա ասաց՝ թագավոր եմ հրեից»: Պիղատոսը պատասխանեց. «Ինչ որ գրեցի, գրեցի»:

Իսկ զինվորները, երբ Հիսուսին խաչը հանեցին, վերցրին նրա զգեստները և չորս մաս արեցին. յուրաքանչյուր զինվորի՝ մեկ մաս: Իսկ քանի որ պատմունանը առանց կարի էր, վերևից ներքև ամբողջովին հյուսած շորջանակի, ուստի միմյանց ասացին. «Այդ չպատտունեք, այլ դրա վրա վիճակ գցե՛ք, ում որ էլնի», որպեսզի կատարվի գրվածը, որ ասում է. «Իմ զգեստները բաժանեցին իրար մեջ և իմ պատմունանի վրա վիճակ գցեցին»: Զինվորներն այս բանն արեցին:

Իսկ Հիսուսի խաչի մոտ կանգնած էին նրա մայրը և նրա մորաքույրը՝ Կղեովյասի կին Մարիամը և Մարիամ Մագդաղենացին: Երբ Հիսուսը տեսավ մորը և այն աշակերտին, որ մոտ էր կանգնած, որին նա սիրում էր, մորն ասաց. «Մ'վ կին, ահա՛ քո որդին»: Ապա աշակերտին ասաց. «Ահա՛ քո մայրը»: Եվ այդ պահից աշակերտը նրան իր մոտ առավ:

Այնուհետև Հիսուսը, գիտենալով, թե ամա ամեն ինչ կատարված է, որպեսզի կատարվի գրվածը, ասաց՝ ծարսվ եմ: Եվ այնտեղ քացախով լի մի աման կար, ու նրանք լեղախառն քացախով մի սպունգ թրջեցին և այն դրին եղեգի ծայրին ու մոտեցրին նրա բերանին: Երբ Հիսուսը լեղախառն քացախը բերանն առավ, ասաց. «Ամեն ինչ կատարված է»: Եվ գլուխը խոնարհեցնելով՝ հոգին ալվանդեց:

(Հովհաննու Ավետարան, ԺԹ 17—30)

ԻՄԱՍՏՈՒԹՅՈՒՆ ԱՍՏՈՒԾՈՒ ԵՎ  
ԻՄԱՍՏՈՒԹՅՈՒՆ ԱՇԽԱՐՀԻ

Քանզի Քրիստոսը ինձ չողարկեց մկրտելու, այլ՝ ավետարանելու, ո՛չ խոսքերի ճարտարությամբ, որ Քրիստոսի խաչը ընդունայն չլինի, որովհետև կորստյան մատուցվածների համար խաչի ճառը հիմարու-

թյուն է, իսկ մեզ՝ փրկվածներին համար՝ Աստուծո զորություն. քանի որ գրված է. «Պիտի կործանեմ իմաստունների իմաստությունը և խելացիների մտածումները պիտի արհամարհեմ»: Ո՛ր է իմաստունը, ո՞ր՝ դպիրը, ո՞ր՝ այս աշխարհի քննողը: Չէ՞ որ Աստված հիմարացրեց այս աշխարհի իմաստությունը, քանզի Աստուծո այդ իմաստությամբ աշխարհը Աստծուն այդ իմաստությամբ չճանաչեց: Աստված հաճեց փրկել հավատացյալներին այդ քարոզության հիմարությամբ:

Իսկ որովհետև հրեաները նշան են հայցում, և հեթանոսները իմաստություն են փնտրում, մենք քարոզում ենք այն խաչված Քրիստոսին՝ գայթակղություն հրեաներին և հիմարություն հեթանոսներին. բայց նրանց համար իսկ՝ հրեաների և հեթանոսների միջից կանչվածներին, Քրիստոսին քարոզում ենք որպես Աստուծո զորություն և Աստուծո իմաստություն. որովհետև Աստուծո հիմարն ավելի իմաստուն է, քան մարդիկ, և Աստուծո տկարն ավելի զորեղ է, քան մարդիկ: Իրավ որ, եղբայրներ՝, ձեր իսկ կոչումին նայեցե՛ք. ըստ մարմնի ոչ բազում իմաստուններ և ոչ բազում հզորներ և ոչ բազում ազնվականներ կան. բայց Աստված ընտրեց այս աշխարհի հիմարներին, որպեսզի ամաչեցնի իմաստուններին. և Աստված ընտրեց այս աշխարհի տկարներին, որպեսզի ամաչեցնի հզորներին. և Աստված աշխարհի անտոհմիկներին և արհամարհվածներին և ոչինչներին ընտրեց, որպեսզի եղածներին առ ոչինչ դարձնի. որպեսզի ոչ մի մարդկա-

յին էակ չպարծենա Աստուծո առաջ. որովհետև նրանո՛վ դուք կաք Հիսուս Քրիստոսի մեջ, որ եղավ մեզ իմաստություն Աստծուց, արդարություն և սրբություն և փրկություն, որպեսզի, ինչպես գրված էլ է. «Նա, ով պարծենում է, թող պարծենա Տիրոջով»:

(Ա. Կորնթ. Ա. 17—31)

### ԽԱՉԻ ՊԱՐԾԱՆՔԸ

Տեսեք, թե ինչպիսի գրեթով գրեցի ձեզ իմ ձեռքով. որովհետև նրանք, որ ցանկանում են միանգամայն հաճելի լինել մարմնով, նրա՛նք են ստիպում ձեզ, որ թլփատվեք: Միայն թե Քրիստոսի խաչի ետևից չզնան. քանզի նրանք, որ թլփատված իսկ են, օրենքը չեն պահում, բայց ուզում են, որ դուք թլփատվեք, որպեսզի ձեր մարմնո՛վ պարծենան:

Սակայն քա՛վ լիցի, որ ես պարծենամ, այլ միայն մեր Տեր Հիսուս Քրիստոսի խաչով, որով աշխարհը խաչված է ինձ համար, և ես՝ աշխարհի, որովհետև ո՛չ թլփատությունն է մի բան և ո՛չ էլ՝ անթլփատությունը, այլ՝ նոր արարած լինելը: Եվ նրանք, որ մի անգամ այս կանոնին համաձայն են, թող նրանց վրա խաղաղություն և ողորմություն լինի, այլև՝ Աստուծո Խորալեյին վրա: Այստե՛տև թող ոչ ոք ինձ նեղություն չտա, որովհետև ես իմ մարմնի մեջ եմ կրում Քրիստոսի չարչարանքները: Եղբայրներ՝, մեր Տեր Հիսուս Քրիստոսի շնորհի թող ձեր հոգու հետ լինի: Ամեն:

(Գաղտ. Զ. 14—31)

